



Općina Centar Sarajevo

Čitaj i kreativno razmišljaj



Društvo pisaca u BiH

*Pjesme za Poetski kutak
Prva sedmica marta/ožujka 2020.*

POGREB

"tako iznenada, ko bi se nadao"
"nervi i cigarete, govorio sam mu"
"svakojako, hvala"
"raspakuj to cvijeće"
"i brat mu je umro od srca, verovatno porodično"
"ne bih vas poznala s tom bradom"
"sam je kriv, vječito se miješao u nešto"
"trebalo je da govori ovaj novi, ne vidim ga"
"Kazek u Varšavi, Tadek u inostranstvu"
"samo si ti bila pametna pa si ponijela kišobran"
"pa šta ako je bio najsposobniji od svih"
"soba je prolazna, Basja neće dati"
"svakako, imao je pravo, ali to još nije povod"
"s lakiranjem vrata, pogodi koliko"
"dva žumanceta, kašičica šećera"
"nije njegova stvar, šta mu je trebalo"
"samo plave i samo mali brojevi"
"pet puta, a nikad nikakvog odgovora"
"neka ti bude da sam mogao, ali i ti si mogao"
"dobro je što je bar ona imala taj posao"
"ne znam, valjda rođaci"
"sveštenik je stvarno isti Belmondo"
"još nisam bio u ovom dijelu groblja"
"sanjao sam ga prošle nedelje, nešto me je trglo"
"nije ružna ta ćerkica"
"sve nas to čeka"
"izjavite saučešće udovici i u moje ime, moram na"
"pa ipak je na latinskom zvučalo svečanije"
"bilo pa prošlo"
"do viđenja, gospodo"
"da odemo nekud na pivo"
"javi se da popričamo"
"četvorkom ili jedanaesticom"
"ja ću ovamo"
"mi onamo"

Vislava Šimborska



Projekat finansira
Evropska unija

Regionalni program lokalne demokratije na Zapadnom Balkanu
ReLOaD



Empowered lives.
Resilient nations.



Općina Centar Sarajevo

Čitaj i kreativno razmišljaj



Društvo pisaca u BiH

SREĆA

Nagradno putovanje oko Svijeta
sa putničkom agencijom
to zacijelo jeste sreća!

Šta moje srce sluti
da je sreća za mene?
Prizor
sretnih ljudi?

Erik Stinus

REKLAME

Svijet je malen, a mogućnosti beskrajne,
to nam sugerišu proizvođači automobila i sportske obuće.
Tako se reklamiraju TV-spotovima
industrija turizma i space shuttle.

Ja duboko vjerujem da je uistinu upravo suprotno:
Svijet je beskrajan, a mogućnosti - tek pokoja.

Erik Stinus

SVE DO JEDNE TAČKE

Mrlja sunca na mom prozoru,
možda ne baš sunca
već njegov odraz sa prozora susjedove kuće od preko puta.
Jesu li sada sve strane Svijeta na istim mjestima?
Ne cvijet
već sjenka cvijeta na osvjetljenoj zavjesi.
Korijenje radi svoje, Zemlja se okreće,
smrznuti mi prsti traže tipke na pisačkoj mašini,
omamljena od mraza moja glava žudi za jasnoćom.
Vrh javora samo što nije olistao
u zlatnom crvenom sjaju,
a gore nošen vjetrom, željan sjaja,
galeb, nepomičan, visoko u plaventilu.

Pažljivi jutarnji potezi kistom
mraza po staklu
prije no što glib i proljeće iskopne.

Erik Stinus



Projekat finansira
Evropska unija

Regionalni program lokalne demokratije na Zapadnom Balkanu
ReLOaD



Empowered lives.
Resilient nations.



Općina Centar Sarajevo

Čitaj i kreativno razmišljaj



Društvo pisaca u BiH



Margaret Atwood

* * *

Uzeh svoju fotografiju
i makazama za šivanje
napravih rupu tamo gdje je bilo moje lice.

Sada je sve mnogo tačnije:

umjesto mojih očiju
sve
se pomalja.

Margaret Atwood

ĆELIJA

Pogledajmo to nepristrasno. Moraš
da
priznaš ćelija raka je predivna.
Da je to cvijet, rekao bi, *Kako je
lijep,*
sa svojim središtem boje šljeza i
ljubičastim laticama,

ili kao naslovnica debelog sci-fi
časopisa
iz tridesetih, *Kako napadan;*
kao vanzemaljac, uspjeh,
oko svo ljubičasto, i želatinaste
latice
i bodlje, ili su to škrge,
što gmižu po prljavo crvenoj zrnastoj
Marsovoj prašini isto kao unutar
tijela,

dok se pritom njihovi mekani zidovi
proširuju i rasprskavaju, njihove
spore
se posvuda rasijavaju, ukorjenjuju,
kao novac,
nošeni poput mašte ili
pokvarenosti u i iz ljudskih
mozgova, ukopavajući se
marljivo u sve. Laboratorijski
tehničar

kaže, *Zaboravile su
kako se umire.* Ali zašto se sjećati?
Sve što žele je više
amnezije. Više života, i više
obilnosti. Uzeti
više. Jest i više. Umnožiti se.
Zadržati
postojeće stanje zauvijek. Takve
žudnje
nisu nepoznate. Pogledaj se u
ogledalu.

Margaret Atwood



Projekat finansira
Evropska unija

Regionalni program lokalne demokratije na Zapadnom Balkanu
ReLOaD



Empowered lives.
Resilient nations.



Općina Centar Sarajevo

Čitaj i kreativno razmišljaj



Društvo pisaca u BiH

KOLO BOLA

Koliko kola od dola do dola
Koliko bola od kola do kola

Koliko jada od grada do grada
Koliko greba od brega do brega

Koliko krvi od usudnih rana
Koliko smrti od suđenog dana

Koliko kola od dola do dola
Koliko bola od kola do kola

Kolo do kola od bola do bola

Mak Dizdar

ZAPIS O ŠTITU

Poiskah štit dobri da štiti me
Bacih ga potom dobrog jer
Tišti me

Mak Dizdar

ZAPIS O PETORICI

Četvorica jednog vode
Jednog gone četvorica

Četvorica mrkog lica
Preko vode preko žica

I od ića i od pića
I od ruha i od kruha

Kroz živice kroz ižice
Od svobode od slobode

I od hiže i od greba
I od zemlje i od neba

Četvorica jednog vode
Jednog vode četvorica

Četvorica jednog broji
Četiri se jednog boji

Mak Dizdar



Projekat finansira
Evropska unija

Regionalni program lokalne demokratije na Zapadnom Balkanu
ReLOaD



Empowered lives.
Resilient nations.